

東萊先生分門詩律武庫

東萊先生詩武庫

東萊

呂氏

家塾

手抄

武庫

一

快用

書院

院

今得呂氏家塾手抄武庫一快用  
是為詩戰之具固可以掃千軍而  
降勅敵不極祕藏刻梓以淑諸  
下收書君子伏幸 辨鑿謹次

○卷之一

慶誕門

天上石麒麟

充閭之慶

頭角嶢然

令子

龍駒鳳雛

雙珠出老蚌

鳳毛

芝蘭玉樹

眞英物

寧馨兒

無功受賞

足慰人心

五百歲賢者生

玉燕

懸鈴

弧矢

夢長庚星

湯餅

弄璋

生申

食牛

吉夢

偷桃小兒

添丁

浮磬之精

跨竈撞樓

箕星昴星

○卷之二

幼敏門

日與長安遠近

後進領袖

吾家明珠

吾宗大宛兒

電眼

炊飯成糜

健犢良馬

難兄難弟

少者佳客

書裙

窺豹一斑

夫子家禽

王郎不惡

遺花投果

雲仍昆來

千里駒

一座顏回

草翁之風必舅

日誦萬言

聖小兒

小兒學士

日誦千言

忠孝

此兒興吾家

聳壑昂霄

奇童

河東三鳳

方圓動靜

江夏無雙

聖童

此兒興吾宗

○卷之三

榮貴門

鳳詔

鶴書

鹿鳴

鶚薦

鯤化鵬搏

鳳鳴龍躍

龍虎榜

鶴鴿原

豹別龍蟠

鰲頭驥足

蟾宮

鴈塔

雞曰龍門

龍鱗鳳翼

卧龍

化龍

馬首

龍頭

虹蜺

鸛鷺

燕壘

鳳樓

馬蹄

馬羣

龍飛

龍光

淡墨

眉黃

○卷之四

禁書門

拾芥

著鞭

千佛名經

千春銀案

破天荒

謝衣鉢

紅綾餅餡

紅牋名紙

桂枝

榜花

朱衣點頭

泥金報喜

廣寒宮

建福門

白髮青衫

紅裙綠衣

慶壽門

壽星

老人星

南極

介壽

昌熾

福壽

大椿

蟠桃

爲善

修身

四百甲子

二首六身

本朝高壽

同甲會

九老圖

范蠡圖

爲相具慶

○卷之五



仙道門

一寺日

四

三洗髓

王母謠

羨明子

王知遠

園客五色蛾

三茅君

舉手謝時人

吹簫作鳳鳴

嫦娥竊藥

神遊八極

摩挲銅人

交梨火棗

寸田尺宅

芝田蕙圃

與汗漫期

棗大如瓜

金華牧羊

孫登長嘯

雲錦囊

西王母

青鳥

赤城居士

三山銀闕

石髓

丹中龍虎

千歲龜

○卷之六

仙道門

麻姑手爪

紫陽新宮銘

眇目老翁

方瞳翁

相期拾瑤草

沆瀣朝霞

護短馮惡

神仙三士

食松毛女

鶴化丁令威

飲我流霞

河車挽水

內外丹

尚隔兩塵

秦女乘鸞

踏踏歌

殷七七

主簿仙

肉芝

水母

補仙官

彭祖經

漁父詞

小兒誦經聲

燒梨

○卷之七

聲樂門

雲和之瑟

水仙操

高山流水

孤鸞別鶴

鷓絃鐵撥

胡人琵琶

家本秦聲

陌上桑

蔡邕柯亭笛

笛聲裂山石

穿雲裂石

桓伊三弄

吹竽食祿

羯鼓催花柳

漁陽三槌

銅鼓

請一纏頭

中和樂職

水調歌

相府蓮

霓裳羽衣曲

釣天九奏

馮夷擊鼓

餘音遶梁攏

響遏行雲

琴有殺心

金石諧和

潤州玉磬

墓中得銅物

製琴

破琴

絲不如竹

○卷之八

釋學門

第一義

八還

淨名居士

不二法門

天女散花

發明禪理

三方獅子床

無盡燈

三身

是身如丘井

二鼠四蛇

睡蛇

烝砂石

三乘禪

觀心安心

一念喻新羅

前後三三

空花起滅

法界觀

未得祖師禪

見性成佛

即心是佛

○卷之九

釋學明

戒生定慧

三劫

本來面目

菩提作麼長

師唱誰家曲

一口汲盡西江水

百丈竿頭進步

兩重公案

石頭路滑

在家菩薩

香積飯

衆香國

無垢人

折脚鐺子

踢倒淨餅

心悟轉法華

習氣未除

寸絲不掛

把茅蓋頭

具眼底人

五祖傳衣

六祖偈

得吾肉髓

飢來喫飯困來眠

卷之十

釋學明

卧輪偈

雲在天水在餅

鵲巢和尚

枯木偈

摩尼珠

飛錫

獻花

龍象

淳古君子

講經聚石

瓦礫投水

白足

比丘德雲

粲可二禪師

講經天花墜

遊尸陀林

學非非想

四大和合

苾芻

伎倆有盡

鑽他故紙

掬水聞香

檀越結願香



○卷之十一

文音門

心織筆耕

淮王門下士

庾體

壁立万仞

筆不停綴

桂林一枝

文章遲敏

徐妃半面粧

文冢

當得異書

十部從事

修月手

筆大如椽

雌霓

錦繡肝腸

腕脫供十吏

復聞正始音

孫郎帳下兒

陽春白雪

天下文宗

殘膏賸馥

建安七子

揚王盧駱

衙官屈宋

原夫之輩

片甲一毛

○卷之十二

詩詠門

夢草池塘

五言始蘇李

古錦囊

苦吟詩瘦

號永明體

騎驢吟雪詩

韋郎五字詩

夜光明月

冷淡生活

詩中筌策

一日三復

冰魂雪魄

鶴鵝軍

七步之敏

爲洛下吟

壓倒元白

天心月脅

陶冶性靈

得江山助

詩如彈丸

能押強韻

難韻競病

刀字韻

綴玉聯珠

九日詩

銅斗歌

問來使

西山詩

樊素小蠻

○卷之十三

游賞門

四者難并

馮夷借夕涼

人生行樂

枕流漱石

喜見楚山碧

雪溪乘興

山陰塵迹

西塞風雨

日輪停午

柳絮沾衣

武昌官柳

若耶溪白蘋洲

仙人九節杖

滓穢太清

牛馬縮如蝟

凍斷三足鳥

空山弄明月

朝花夜月

待月西廂

月落參橫

玉川月蝕詩

盧令七椀茶

送客過虎溪

倚仗對孤石

妬人斜河

紅意綠情

○卷之十四

遊賞門

山中何所有

吹万不同

花須連夜發

女解佩

國色天香

修楔事

珍重輕薄子

官梅詩興

李文正五客

報竹平安

臨春結綺

赤波金輪

杖策逍遙

青雲得路

河朔避暑飲

劉氏黑牡丹

人日勝花

裘馬輕肥

晚對翠屏

會處魚鳥親

雨花風葉

赤腳踏層冰

輞川圖

曲水流觴

御花樺巾

○卷之十五

贈洗門

烹魚得尺素

寸筵撞巨鍾

文君白頭吟

黃鶯別主

奉揚仁風

軟脚會

寄梅花

黃耳齋書

短長亭

善頌善禱

惡別

客歌驪駒

鳴珂里

羅敷陌上歌

渭城送別

陽關三疊

秋夜泛江

投壺

詩武庫目錄

東萊先生分門詩律武庫卷第一

呂氏家塾手編

○慶誕門

天上石麒麟

南史徐陵母臧氏夢五色雲化爲鳳集左肩已而有娠生陵年數歲家人抱以見僧寶誌上人上人以手摩其頂曰眞天上石麒麟也杜工部徐卿二子歌云孔子釋氏親抱送盡是天上麒麟兒

充問之慶

晉賈充始生其父逵曰後當有充問之慶遂命其名曰充字公問東坡賀陳述古生子詩云鬱葱佳



氣夜充閭佳氣事見光武紀論氣佳哉鬱鬱鬱鬱葱蔥  
頭角嶢然

唐李賀字長吉集唐兒歌有云頭角嶢然眉刷翠  
侍郎生兒真男子東坡在儋耳聞子由生第四孫  
與詩云無官一身輕有子萬事足舉家傳吉夢殊  
相驚凡目爛爛開電眼嶢嶢映頭玉但令強筋骨  
可以耕衍沃不須富文章端解耗紙竹

令子

南史褚淵嘗謂任昉父遙曰聞君有令子甚爲嘉  
之所調百不爲多一不爲少東坡有詩云聞君有  
令子真是石麒麟

龍駒鳳雛

晉陸雲字士龍六歲與兄機齊名雖文章不及機而持論過之吳尚書閔鴻見而奇之曰此兒若非龍駒當是鳳雛而後漢龐德公稱其姪統亦爲鳳雛北齊裴景鸞景鴻並有逸才河東人呼景鸞有驥子東坡有詩云鳳雛驥子生有種毛骨往往傳諸郎晉宋時江左謂王謝子弟爲烏衣諸郎烏衣者巷名也

雙珠出老蚌

漢韋康字元將弟誕字仲將孔融與康父書曰前日元將來淵才亮茂雅度弘毅偉世之器也昨日

仲將又來懿性貞實文敏篤誠保家之主也不意  
雙珠近出老蚌甚珍貴之東坡贈子由之子遠詩  
云舊聞老蚌生明珠未省老兔生於菟蓋子由卯  
生故曰老兔遠寅生名虎兒於菟虎也

鳳毛

宋書謝鳳之子超宗有文辭補新安王常侍作王  
母殷淑儀誅帝嗟賞謂謝莊曰超宗殊有鳳毛靈  
運復出也蓋靈運鳳之父而超宗之祖也故杜工  
部有池上于今有鳳毛之句

芝蘭玉樹

晉謝玄字幼度少穎悟爲叔父安所器重安嘗曰

子弟亦何豫人事而正欲使其佳立曰如芝蘭玉樹欲使其生於庭階耳安大悅故坡有階庭蘭玉照鄉間之句

真英物

晉栢温生未甚温嶠見之曰此兒有奇骨可試使啼及聞其聲曰真英物也父彛以温嶠所賞故名温字子元及長豪爽有風氣姿兒甚偉面有七星尚南康長公主拜駙馬都尉終大司馬南郡公東坡賀陳述古生子詩有試教啼看定何如之句用此事也

寧馨兒

晉王衍字夷甫神情明秀風姿詳雅總角嘗造山  
濤濤嗟嘆良久既出目送之曰何物老嫗生寧馨  
兒然誤天下蒼生者未必非此人也東坡登平山  
堂詩云六朝興廢餘丘壘空使姦雄笑寧馨此也  
姦雄謂桓溫也初溫遊淮泗踐北境與僚屬登平  
山乘樓眺屬中原慨然曰使神州陸沉百年丘墟  
王夷甫諸人不得不任其責也

無功受賞

世說晉元帝生子宴百官賜束帛殷羨起謝曰臣  
等無功受賞帝曰此事豈容卿有功乎東坡詞賀  
李公擇生子曰犀錢玉果利市平分沾四坐多謝

無功此事如何到得儂

足慰人心

晉王渾妻鍾琰既適渾生子濟渾嘗共琰坐濟趨庭而過渾欣然曰生子如此足慰人心琰笑曰若使新婦得配參軍生子固不啻如此參軍渾中弟淪也東坡賀述古生子有參軍新婦賢相敵之句

五百歲賢者生

唐貞半千字榮期羈州通書史事王義方以秀邁見賞義方常云五百歲一賢者生子宜當之因改名半千凡舉八科皆中杜詩有休運當五百之句

玉燕

開元遺事張說母夢一玉燕飛入懷中因而  
生說後爲宰相故人有飛燕投懷之句

懸鈴

南史任昉父遙娶裴氏嘗晝卧夢五色綵旗四角  
懸鈴自天而墜其一鈴落懷中因而有娠生昉後  
仕至御史中丞後人有旗角懸鈴之句

弧矢

禮記射義男子生以桑弧蓬矢六射天地四方天  
地四方者男子之所有事也又云男子設弧於門  
左女子設悅於門右注表男女也弧者示有志於  
武也悅者人之佩巾也王禹偁詩云天上石麒麟

懸弧是此辰 皇宋詩云破曉懸桑蓬

夢長庚星

唐李白字太白始生時母夢長庚星因以命之長庚  
即太白蘇頲見白異之曰是子天才英特少益以  
學可比相如又賀知章見其文歎曰子謫仙人也  
皇宋詩云長庚入夢星未移傳呼什得麒麟兒

湯餅

魏志何晏字平叔爲吏部尚書駙馬都尉世說曰  
平叔美姿儀面潔白魏明帝疑其傅粉夏月喚來  
與熱湯餅既啖汗出以巾拭之轉皎白也詩話有  
露濕何郎試湯餅之句。王叡松窓錄唐王后寵



衰后曰二郎不記阿忠脫紫半臂爲生日湯餅耶  
上爲戚然阿忠后父號也。劉禹錫詩云舉筋食  
湯餅辭祝大麒麟南地人生子以煮麪特賀客爲  
湯餅餽饌頭爲蒸餅麻餅爲火餅

### 弄璋

毛詩斯干篇乃生男子載寢之牀載衣之裳載弄  
之璋注半圭曰璋臣之職也箋云男子生而玩以  
璋者欲其比德焉東坡賀人生子詩云甚欲去爲  
湯餅客唯愁錯寫弄璋書蓋唐李林甫爲翰林學  
士賀人生子書寫弄璋字却作麀鹿之麀字時人  
譏之爲弄麀學士 皇宋詩云未作東床湯餅客  
且爲林甫弄麀章書

生申

詩維嶽降神生甫及申維申及甫爲周之翰注嶽降神靈和氣以生申甫之大功 皇宋詩長庚豈信全鐘李崧嶽俄傳又降申又王禹偁詩尼丘鐘骨骼崧嶽與精神

食牛

唐人詩云虎生三日便窺牛獵食寧能掉尾求蓋以虎子生三日便有食牛之氣也杜工部徐卿二子歌小兒五歲氣食牛又 皇宋詩獨君生子如虎兒未滿三朝氣橫逸用此事也

吉夢

詩吉夢維何維熊維羆男子之祥故杜子美有感  
應吉夢相追隨之句劉禹錫寄白樂天云祝君長  
詠夢熊詩

偷桃小兒

漢武帝外傳西王母降出桃七枚自啖其二以五  
枚與帝帝留核欲種母曰此桃一千年生花一千  
年結實非下土所種之物時東方朔字曼倩在傍  
因指之曰此桃三熟此兒已三偷 皇宋詩賀人  
生子云疑是偷桃舊小兒又崔澹詩曰惟應錯認  
偷桃客曼倩曾爲漢侍郎

添丁

韓昌黎寄盧仝詩云去年生兒名添丁意令與國  
充耘耔

浮磬之精

北史高琳母常被襖於泗濱見石光彩朗潤遂持  
以歸是夜夢人衣冠有若仙者謂曰夫人向所將  
石是浮磬之精若能保持必生令子母驚寤舉身  
流汗俄而有娠及生因名琳字季珉後果貴顯  
皇宋詩云濱泗磬浮形彩石長庚夢兆毓文星

跨竈撞樓

魏王卽雜箴曰家人有嚴君焉井竈之謂也是以  
父喻井竈或曰竈上有金故生子過父者謂之跨

竈又云非特跨竈又且撞破煙樓故東坡有生子  
應跳竈之句

箕星昴星

莊子大宗師傳說乘東維騎箕尾故省詩有赫二  
箕星望蕭二版築蹤之句。爾雅蕭何稟昴宿而  
生故人有蕭何誕漢之句

東萊先生分門詩律武庫卷第一

東萊先生分門詩律武庫卷第二

○幼敏門

日與長安遠近

晉明帝幼而聰哲爲元帝所寵異年數歲嘗坐置膝前屬長安使來因問帝曰日與長安孰遠對曰長安近不聞人從日邊來居然可知也

時長安使來故有此

對也元帝異之明日宴羣僚又問之對曰日近元帝失色曰何乃異間者之言乎對曰舉目則見日不見長安由是益奇之鄧鑑省題詩日邊嘶騎去

後進領袖

裴秀少好學有風操八歲能屬文時人語曰後進

領袖有裴秀晉時人

吾家明珠

唐劉孺字季幼聰敏叔父瑱爲仁興郡攜以之官常置坐側謂賓客曰此吾家明珠也

吾宗大宛兒

漢賈復顧兒謂弟曰此吾宗大宛兒也一日千里蓋大宛出馬皆千里兒杜詩云鍊金歐冶子噴玉大宛兒

電眼

晉王戎幼而穎悟神彩秀徹視日不眩裴楷見而謂曰戎眼爛二若岳下電坡詩戎眼何曾眩落暉

炊飯成糜

商芝小說載有客訪陳太丘談鋒莫敵太丘令二子元方季方炊飯以延之二子委甌竊聽客談飯落釜中成糜而進客客罷去太丘將責二子二子具言其故且誦客語無遺太丘曰但糜自可何必飯耶其怒乃解

健犢良馬

晉石季龍少好挾彈其父怒之其母曰吾聞健犢須走車破轅良馬須逸鞅泛駕然後能負重致遠以爲異器大言童稚不奇不惠必非異器定矣

難兄難弟



世說陳元方之子長文與季方之子孝光各論其父功德議之不決往咨於祖父太丘曰元方難爲兄季方難爲弟長文即陳羣也故坡詩云議論彫零三益友功名分付二難兄是也

少者佳客

晉王獻之字子敬與二兄徽之操之俱詣謝安二兄多言俗事獻之但寒溫而已既出客問安以王氏兄弟優劣安曰少者佳客問其故曰吉人之辭寡以其少言故知之故坡詩云靜士以寡言相對自忘憂蓋獻之事也

書裙

晉羊欣長於隸書父不疑爲烏程令欣時年十二  
王獻之爲吳興守甚愛重之欣嘗夏月著新絹裙  
晝寢獻之入縣見之書裙數幅而去故坡有掩關  
晝睡客書裙之句

窺豹一斑

晉史王獻之年數歲嘗觀門生擣蒲曰南風不競  
門生曰此郎亦管中窺豹時見一斑耳

夫子家禽

世說楊修九歲頗聰慧孔融

或云孔君平

詣其父父不

在乃呼兒出爲設果有楊梅孔指曰此是尔家果  
兒荅曰未聞孔雀是夫子家禽融大異之

王郎不惡

晉謝奕女道蘊初適王凝之還甚不樂謝安曰王郎逸少之子不惡汝何恨也荅曰一門叔父則有阿大中郎謂安也羣從兄弟則有封胡羯末不意天壤中乃有王郎故坡詩云封胡羯末已可憐不知更有主郎子

遺花投果

唐劉晏八歲以神童爲祕書正字唐玄宗問晏曰爲正字正得幾字晏曰天下字皆正唯明字未正時以朋黨正盛玄宗默然是歲獻東封書上命宰相出題就中書試驗引晏於殿內六宮觀看坐晏貴妃膝上親

爲畫眉總州髻宮人遺花投果

雲仍昆來

爾雅子之子爲孫孫之子爲曾孫曾孫之子爲玄孫玄孫之子爲來孫來孫之子爲昆孫昆孫之子爲仍孫仍孫之子爲雲孫謂其輕遠如浮雲也故東坡送錢氏之孫錢道士詩云淒涼破屋凝塵坐憔悴雲孫雪滿簪又前漢惠帝紀有公孫耳孫謂耳孫乃玄孫之子去祖旣遠但耳聞之也

千里駒

前漢劉德少修黃老術有智略數言事召見甘泉宮武帝謂之千里駒言若駿馬可致千里也以

宮武帝謂之千里駒

其幼少故謂之駒元王傳○

隋張虔威字元劼性聰敏涉獵羣書其世父暠高之謂人曰虔威吾家千里駒也。南朝袁昂齊武帝謂之曰昂昂千里之駒在卿有之今改卿名昂字千里。魏曹休太祖族子天下亂宗族各散去太祖舉義兵休乃歸太祖太祖謂左右曰此吾家千里駒也見待如子。後漢趙熹有節操更始曰卿名家駒弩力勉之。唐馬載稱蘇頲曰古稱一日千里蘇生是已

一座顏回

謝尚晉時人八歲父鯤常攜之送客或曰此兒一座之顏回也尚荅曰座無尼父焉別顏回席賓莫

不感歎焉

草翁之風必舅

南史王絢或之子也早慧年五六歲讀論語至周

監於二代外祖何尚之戲曰可改爺爺乎文哉改令

都字以避父諱

絢應聲荅曰尊者之名安可戲寧可道草

翁之風必舅

尚音與上同故改上曰公翁避外祖諱尚之子名偃故改偃曰舅避舅諱也

日誦萬言

北史邢邵字子才聰明強記日誦萬言族兄有人

倫鑒謂子弟曰此兒非常人也自孝明之後文雅

大盛彫蟲之美獨步當時每一文初出京師爲之

紙貴

言人爭買紙故貴也

聖小兒

北史祖瑩字元珍八歲能誦詩書十二爲中書學士耽書父母恐其成疾禁之不能止常密藏火父母寢後燃火讀書以衣被蔽塞牖戶恐漏光明爲家人所覺由是聲譽言甚盛內外呼爲聖小兒

小兒學士

北史宗稟少聰敏好讀書晝夜不倦語輒引古事鄉里呼爲小兒學士

日誦千言

隋楊昇字文殊沉深有器局髻亂就學日誦千言見者奇之

忠孝

隋于仲文九歲常於雲陽宮見周太祖太祖問曰  
聞兒好讀書書中有何事仲文對曰資父事君忠  
孝而已太祖甚嗟嘆之

此兒興吾家

隋薛世雄字世英爲兒童時與羣輩遊戲輒畫地  
爲城郭令諸兒爲攻守之勢有不從令者世雄輒  
撻之諸兒畏憚莫不整齊其父見而奇之謂人曰  
此兒當興吾家矣

從登壑昂霄

唐房玄齡字喬年十八舉進士授羽騎尉校讎秘



書省吏部侍郎高孝基名知人謂裴矩曰僕觀人多矣未有如此郎者當爲國器但恨不見從魯齋昂霄云耳

奇童

唐李百藥字重規七歲能屬文父友陸乂等共讀徐陵文有刈琅邪之稻之語歎不得其事百藥進曰春秋鄆子藉稻杜預謂在琅邪客大驚號奇童

河東三鳳

唐薛元敬隋選部郎邁之子與收及族兄德音齊名世稱河東三鳳收爲長雛德音爲獄鶩元敬年最少爲鷓鴣故省詩有藉甚河東鳳之句

方圓動靜

唐李泌字長源七歲知爲文元宗召之既至帝方與張說觀弈請賦方圓動靜泌逡巡曰願聞其略說曰方若碁局圓若碁子動若碁生靜若碁死泌即答曰方若行義圓若用智動若騁才靜若得意說因賀帝得奇童帝大悅

江夏無雙

後漢黃香字文彊江夏人博學經典究精道術京師號曰天下無雙江夏黃童

聖童

後漢張堪志美行佳諸儒號曰聖童。又任延字

長孫明詩易春秋顯名太學學中號為任聖童。  
唐孫思邈通百家說善言老子莊周獨孤信異之  
曰聖童也。又揚收十三通大義善屬文所賦輒  
就吳人號神童里人多造門觀賦詩至壓敗其藩  
收嘲之曰爾非羸角奚觸吾藩切當率類此

此兒興吾宗

魏志陳羣為兒時祖父寔常奇異之謂宗人父老  
曰此兒必興吾宗

東萊先生分門詩武庫卷第二

東萊先生分門詩律武庫卷第三

○榮貴門

鳳詔

事始云後趙石季龍置戲馬觀觀上以詔書用五色紙銜于木鳳之口而頒行故羅隱曰瑣闕千里更無人到絲綸五色惟有鳳銜又李白贈史郎中云鳳凰丹禁裏銜出紫泥書後人因有鳳詔泥封出紫宸之句

鶴書

文選孔德璋北山移文及其鳴騶入谷鶴書赴隴後人因有鶴下紫泥書之句

鹿鳴

毛詩小雅鹿鳴燕羣臣嘉賓也今以得解後州府  
津遣謂之鹿鳴燕勸駕詩有燕講鹿鳴遵舊禮  
之句。又云秋賦呦呦鹿食苹。呦呦苹食合  
周符。清歌先聽鹿鳴三

鷄薦

後漢孔融薦禰衡表曰鷄鳥累百不如一鷄故後  
人有禰鷄乘風搏勁翮又云鷄表薦時來衆彥  
鯤化鵬搏

莊逍遙篇北溟有魚其名爲鯨化而爲鳥其名爲  
鵬鵬之徙於南溟也水擊三千里搏扶搖羊角而

上者九万里也。故詩人有溟鯤北化看隨浪。又云鵬翼搏扶快運南。西風去路鵬程遠。万里鵬程將舉翼。九万鵬程一日飛。

鳳鳴龍躍

晉褚陶字季雅少而聰慧嘗謂所親曰聖賢備在黃卷中捨此何求張華見之謂陸機曰君兄弟龍躍雲津顧彥先鳳鳴朝陽謂東南之寶已盡不意復見褚生故詩人有鳳鳴當日動嚴宸之句

龍虎榜

唐歐陽詹初舉進士與韓愈李觀李絳崔羣王涯馮宿庾承宣聯第

選時稱龍虎榜故張

唐鄉進士第一人登科題詩于壁曰一舉首登龍  
虎榜十年身到鳳凰池。晉荀勗曰奪我鳳凰池  
故後人以鳳凰池爲宰相事也樂府云特開東閣  
宴人在鳳凰池

鵲鴿原

毛詩脊令在原兄弟急難孫僅孫何兄弟先後狀  
元及第詩人贈云粉壁乍懸龍虎榜錦幟爭屬  
鵲鴿原又兄弟同榜及第詩周原風健鵲鴿逸梁  
苑春深棠棣榮

豹別龍蟠

揚子君子豹別其文蔚也又曰龍蟠于泥蛭其肆

矣故詩有苦霧收殘文豹別怒濤驚起老龍蟠  
鰲頭驥足

列子湯問篇龍伯之國有大人一釣連六鰲。三  
國志龐統使處治中別駕之任始當展其驥足耳  
故勸駕詩云直道豈容淹驥足高文俱合在鰲頭

蟾宮

唐詩應是蟾宮別有情王充論衡羿請不死之藥  
於西王母其妻嫦娥竊之以奔月託身於月是爲  
蟾蜍後人以及第之榮爲步蟾宮故詩云蟾宮得  
意出彤庭樂府云送千里蟾宮客

鴈塔



唐韋肇初及第偶於慈恩寺雁塔題名後慕效之  
遂成故事白樂天一舉登第作詩曰慈恩塔下題  
名處十九人中最少年時年二十七。故坡詩去  
年古寺共題名

雞口龍門

史記蘇秦傳寧爲雞口無爲牛後。三秦記龍門  
魚登者化龍不登者點額。暴腮陳狀元詩雖幸先  
鳴作雞口尤慚一躍上龍門

龍鱗鳳翼

揚子淵騫篇攀龍鱗附鳳翼趙狀元詩豈期雲路  
首攀鱗

卧龍

三國志諸葛亮傳徐庶謂先生曰諸葛孔明卧龍也。本朝李伯時號龍眠居士。黃端明雷霹樹詩云想是卧龍沉困久放教頭角上雲衢用此事也。明年果作大魁。

化龍

費長房投竹杖于葛陂化爲龍。陶侃梭化爲龍。雷煥劍化爲龍。天池魚化爲龍。送人赴省詩云浪驚龍化待前春。

馬首

左傳襄十四年荀偃令曰雞鳴而起塞井夷竈惟

余馬首是瞻故勸駕詩云准擬出郊迎馬首春風得意莫遲留用此事也

龍頭

盧肇黃頗皆宜春人頗富於財肇苦貧與頗同赴春官郡守獨餞頗於郵亭而遺肇明年肇狀元及第郡守會肇看競渡肇即席作詩曰向道是龍剛不信果然銜得錦幪歸太守大慙。樂府云來春高步過南宮更答取龍頭策。又云恐伊不信是龍頭和書寄與三題草

虹蜺

南史江淹謂郭玘曰子之咳唾成珠玉吐氣作虹

霓故詩有虹霓氣焰吐秋天之句。又云志氣天邊万丈虹。

### 鷓鴣

唐上官儀傳造羽鷓鴣鳥故詩人有亦隨奏籍造鷓鴣聯是也。

### 燕壘

章孝標下第作燕詩以獻主司云舊壘危巢泥已落今年故向杜前歸連天大厦無棲處更望誰家門戶飛主司憐之會再秉文衡遂擢第時謂之二十八字致上科。

### 鳳樓

鳳樓者乃秦穆公女弄玉與蕭史夫妻乘鳳翼仙去後人因以爲故事樂府云問醉眠今夜何處鳳樓偏好

馬蹄

古詩踏花歸去馬蹄香張公庠詩馬蹄無處避殘紅。孟郊新及第賦詩云春風得意馬蹄疾一日看盡長安花

馬羣

韓愈序伯樂一過冀北之野而馬羣遂空故詩有馬羣騰踏驚空北之句

龍飛

易乾九五飛龍在天大人造也余狀元詩云龍飛  
聖主樂詳延曾榜眼云天子龍飛海宇興

龍光

毛詩既見君子爲龍爲光張狀元詩虎恩首沐仰  
龍光。又替首拜龍光

淡墨

賈氏談錄貢院榜右語及貢院字用淡墨麴筆而  
書故詩人有淡墨祭書字之句

眉黃

東坡浣溪沙詞恠見眉間一點黃詔書催發羽書  
忙故詩有莫辭盡酌十分醉與壯眉間一點黃

東萊先生分門詩律武庫卷第三